

Áróra ehf
Kt: 670404-3740
Suðurgötu 53
220 Hafnarfjörður

Akureyri, 22.04.2026
Tilv. 2026-01-16-0214

Efni: Svipting. Skil á aflaupplýsingum. Strandveiðar. Dóra Sæm HF – 70 (2145)

Fiskistofa hefur lokið meðferð máls er varðar brot skipstjórnanda bátsins Dóru Sæm HF – 70, skipaskrárnúmer 2145, vegna ófullnægjandi skila á aflaupplýsingum í 13 strandveiðiferðum á strandveiðivertíð 2025 (hér á eftir „vertíðinni“), gegn reglugerð um skráningu og skil aflaupplýsinga nr. 307/2023 og lögum um umgengni um nytjastofna sjávar nr. 57/1996.

I. Málsvik

Samkvæmt gögnum Fiskistofu um skil á aflaupplýsingum hefur skipstjórnandi bátsins Dóru Sæm HF – 70 (2145) ekki skilað aflaupplýsingum stafrænt til Fiskistofu áður en bátnum var lagt að bryggju í löndunarhöfn að loknum strandveiðiferðum eftirfarandi daga á vertíðinni:

Skráð ófullnægjandi skil aflaupplýsinga		
14.5.2025	16.6.2025	30.6.2025
27.5.2025	18.6.2025	1.7.2025
2.6.2025	19.6.2025	7.7.2025
10.6.2025	23.6.2025	-
11.6.2025	24.6.2025	-

Af þeim sökum er skipstjórnandi bátsins grunaður um að hafa brotið gegn 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996. Skráð ófullnægjandi skil voru í 13 strandveiðiferðum bátsins á vertíðinni, þ.e. í um 54% strandveiðiferða.

Fiskistofa leiðbeindi útgerð bátsins um skil á aflaupplýsingum með bréfum dags. 23.5.2025, 30.5.2025, 6.6.2025, 16.6.2025, 23.6.2025, 30.6.2025, 7.7.2025 og 14.7.2025, vegna framangreindra ófullnægjandi skila.

II. Lagagrundvöllur

Skráning og skil á aflaupplýsingum á strandveiðum fer eftir ákvæðum laga nr. 57/1996 og reglugerðar nr. 307/2023, samkvæmt 8. og 5. tölul. 1. mgr. 5. gr. reglugerðar nr. 460/2024, sbr. 2. málsl. 6. tölul. 6. mgr. 6. gr. a. laga nr. 116/2006.

Skipstjórnandi skal senda aflaupplýsingar stafrænt til Fiskistofu í samræmi við 3. gr. reglugerðar nr. 307/2023 áður en bát er lagt að bryggju í löndunarhöfn að lokinni veiðiferð samkvæmt 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996.

Brot gegn reglugerð nr. 307/2023 og lögum nr. 57/1996 og 116/2006 geta varðað stjórnarsýsluviðurlögum, þ.e. skriflegri áminningu eða sviptingu leyfis til strandveiða samkvæmt 15. gr. laga nr. 57/1996 og 24. gr. laga nr. 116/2006, sbr. 1. mgr. 7. gr. reglugerðar nr. 307/2023.

III. Athugasemdir málsaðila

Með bréfi Fiskistofu, dags. 17. mars 2026, var málsaðila tilkynnt um að málið hafi verið tekið til meðferðar, málsatvikum lýst, leiðbeint um lagaatriði og gefinn kostur á að koma andmælum og athugasemdum á framfæri áður en afstaða yrði tekin til þess hvort brot hafi verið framið og eftir atvikum hvort beita ætti viðurlögum. Málsaðila var veitt tækifæri til að leggja fram athugasemdir og andmæli vegna málsins til og með 31. mars 2026. Engar athugasemdir bárust Fiskistofu og er málið því afgreitt með hliðsjón af gögnum málsins og málsatvikum eins og þeim er lýst að framan.

IV. Niðurstaða og rökstuðningur

Fyrir liggur að skipstjórnandi bátsins Dóra Sæm HF - 70 (2145) skilaði ekki aflaupplýsingum stafrænt til Fiskistofu áður en bátnum var lagt að bryggju í löndunarhöfn að loknum strandveiðiferðum eftirfarandi daga á vertíðinni:

Ófullnægjandi skil aflaupplýsinga		
14.5.2025	16.6.2025*	30.6.2025*
27.5.2025*	18.6.2025*	1.7.2025*
2.6.2025*	19.6.2025*	7.7.2025*
10.6.2025*	23.6.2025*	-
11.6.2025*	24.6.2025*	-

Aflaupplýsingar bárust eftir framangreint tímamark í eitt skipti og í 12 skipti bárust engar (stjórnumerkt*). Skil á aflaupplýsingum eftir tímamarkið eru ekki fullnægjandi skil. Af þeim sökum voru skil skipstjórnanda Dóru Sæm HF – 70 ófullnægjandi í 13 af 24 strandveiðiferðum á vertíðinni, þ.e. í um 54% strandveiðiferða.

Með því að skila ekki aflaupplýsingum til Fiskistofu áður en bátnum var lagt að bryggju í löndunarhöfn að loknum 13 af 24 strandveiðiferðum, strandveiðivertíð 2025, braut skipstjórnandi bátsins Dóru Sæm HF – 70, skipaskrárnúmer 2145, gegn 2. mgr. 1. gr. og 4. gr. reglugerðar nr. 307/2023, og 4. mgr. 9. gr. laga nr. 57/1996.

Ákvæði 24. gr. laga nr. 116/2006 sbr. 15. gr. laga nr. 57/1996 mæla fyrir um að Fiskistofa skuli veita hlutaðeigandi útgerð áminningu eða svipta bát leyfi til strandveiða, fyrir brot á lögum eða reglum settum samkvæmt þeim. Við mat á því hvort brot teljist minniháttar eður ei er lítið til þess hvort brot hafi í för með sér umtalsverðan ávinning fyrir hlutaðeigandi útgerð og/eða tengda aðila, hversu mikilvægum hagsmunum brot ógnar og hvort það hefur verið framið af ásetningi eða gáleysi. Með hliðsjón af meðalhófsreglu stjórnsýsluréttarins er auk þess lítið til fjölda ófullnægjandi skila þ. á m. vanskila, hlutfall þeirra á móti löndunum á vertíðinni, heildaraflamagns og fjölda landana. Skil á aflaupplýsingum voru ófullnægjandi fyrir 54% strandveiðiferða á vertíðinni þ.e. í 13 af 24 veiðiferðum, þar af voru vanskil í 12 veiðiferðum.

Að mati Fiskistofu verður ekki séð að brot hafi í för með sér verulegan fjárhagslegan ávinning.

Brotið ógnar hagsmunum tengdum rekstri og trúverðugleika fiskveiðistjórnunarkerfisins. Auk þess kann brotið að ógna hagsmunum tengdum eftirliti með fiskveiðum, vísindalegri rannsókn á lífríki sjávar sem og aðgengi að alþjóðlegum mörkuðum.

Við mat á saknæmisstigi brots ber að líta til háttsemi skipstjórnanda. Á skipstjórnanda hvílir sú starfsskylda að skila aflaupplýsingum til Fiskistofu stafrænt áður en veiðiferð lýkur. Strangara saknæmismat lýtur að skipstjórnanda sem sérfræðingi í ljósi stöðu hans og þekkingar, en gera verður þá kröfu til skipstjórnarmanna að þeir þekki lög og reglur er snúa að veiðum og sérstaklega snerta atvinnu þeirra, þ.m.t. um skil á aflaupplýsingum. Við mat á því hvort skipstjórnandi hafi innt af hendi starfsskyldu sína í samræmi við það sem af honum mátti ætlast er athugað hvort hann hafi við framkvæmd starfa sinna farið eftir gildandi háttæmisreglum um skil á aflaupplýsingum og starfsaðferðum sem „*góður og gegn skipstjórnandi*“ myndi fylgja miðað við aðstæður hverju sinni. Skil á aflaupplýsingum voru ófullnægjandi hjá skipstjórnanda bátsins Dóru Sæm HF – 70 (2145) í 13 af 24 strandveiðiferðum á vertíðinni þrátt fyrir ítrekaðar leiðbeiningar Fiskistofu um skil á aflaupplýsingum sem aðgengilegar voru í pósthólfi útgerðar á Ísland.is. Að mati Fiskistofu vanrækti skipstjórnandi Dóru Sæm HF – 70 (2145) starfsskyldu sína með saknæmum hætti.

Að teknu tilliti til eðlis og umfangs brotsins og alls þess sem að framan hefur verið rakið er það mat Fiskistofu að brotið teljist meiriháttar. Af þeim sökum komi áminning ekki til álita. Að mati Fiskistofu þykja hæfileg viðurlög, með hliðsjón af meðalhófsreglu stjórnsýsluréttar, vegna brotsins vera svipting leyfis til strandveiða í tvær vikur.

Málsaðili ber ábyrgð á að verklag skipstjórnanda, í starfi hjá honum, við skráningu og skil á aflaupplýsingum samræmist gildandi lögum og reglum.

Fiskistofa sviptir hér með bátinn Dóru Sæm HF – 70, skipaskrárnúmer 2145, leyfi til strandveiða í tvær vikur (14 daga) frá og með gildistöku næsta strandveiðileyfis bundið við bátinn, samkvæmt 1 og 2. mgr. 15. gr. laga nr. 57/1996 og 24. gr. laga nr. 116/2006, sbr. 7. gr. reglugerðar nr. 307/2023, vegna brota skipstjórnanda gegn 2. mgr. 1. gr. og 4. gr. reglugerðar nr. 307/2023 og 4. mgr. 9. gr. laga nr. 57/1996.

Ákvörðunin hefur ítrekunaráhrif í tvö ár frá og með dagsetningu ákvörðunar skv. 19. gr. laga nr. 57/1996.

